



**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.  
Canonum In Alma, Catholica, Et Episcopali Universitate Dilingana  
Professore Qvondam Ordinario, Prælectionibus Academicis Illustrati

**Laymann, Paul**

**Dilingæ, 1673**

Capitvlvm I. Licet.

---

[urn:nbn:de:hbz:466:1-62587](#)

6 Resp. Itaque ad quæstionem quod ex solâ annuâ præstatione non probetur subiectionis, aut possessio subiectionis, nisi vel in solutione expressum sit eam fieri ratione subiectionis, aut nisi hoc ipsum ex circumstantiis, loci temporis, personarum, præsumptiuè saltem appareat, ut si quis eodem loco, tempore, ac modo quo alii subditi, censum soluat, quæ enim indeterminata sunt, ex circumstantiis determinari solent, uti docet gl. in l. 3. verb. Procauto ff. Si certum petatur, & idem tradit Tusc. verb. Census. conclus. 190.

7 Not. V. Si Actor per modum causæ aliquid in judicium deduxerit ad quæstionis Principalis decisionem, non prohibetur

postea super eo propriam actionem instituere. Exemplum habes hic. Patriarcha ad probandam subiectionem Monasterij allegauit pensionem annuam sibi solutam esse, sed non obtinuit in petitorio, cum ostendere non potuerit legitimi temporis decursum, qui sufficiat ad usucaptionem, ob id tamen non prohibetur super eadem pensione, si ipsi in posterum negetur, aliud judicium petitorum instituere, tum quia super pensione actum omnino non fuerat in petitorio, tum quia tametsi actum fuisse ex titulo subiectionis, posset tamen denuò ex alio titulo seu causa obligationis pensione peti, ut glossa hic admonet.

## TITVLVS XIII. DE RESTITUTIONE SPOLIATORVM.

**C**ausa restitutionis spoliatorum possessoria est, quippe pertinens ad interdictum possessoris recuperandæ, idèc rechèc subiectitur, postquam de causis possessoris in genere dictum fuit.

### CAPITVLVM I.

Licet.

#### PARAPHRASIS.

Apud Gregorium IX. Pontificem l. 12. alias 130. ad Constantium Episcopum conquerens est Philasius Cœcus, campum suum ab officialibus seu famulis Ecclesiæ irrationaliter occupatum esse. Respondet Pontifex, si ita se res habeat, tametsi alioquin ante omnem contentiæ de proprietate restitutio Campi cæco fieri deberet, tamen quia Eventus Ecclesiæ eius Diaconus consentiente cæco obtulit se legitimè probaturum, quod Campus ille de jure spectet ad Ecclesiæ, idèc probationes admittendas, & si constituerit esse Campus Ecclesiæ, cæco silentium indicendum, sin autem id probatum non fuerit, tum campum ablatum eidem restituendum esse.

#### SUMMARIUM.

i. Spoliator offerens se ad probandum, quod si

bi dominum competat, ordinariè non auditur ante spoliati restitutionem.

2. Nisi tacite saltem consentiat spoliatus.

3. Auditur etiam in causis saltem beneficilibus, si notoriè constet. Spoliato nullum jus competere: in causis vero profanis constare insuper debet notoriè de jure spoliantis.

4. Si ex restitutione spoliato facta sequeretur anima periculum, auditur spoliator, opponens contra restitutionem.

5. Ex delito famuli obligatur dominus si in eo officio delinquat famulus, cui à domino propositus est, nisi suam innocentiam probauerit Dominus.

**N**ota. Spoliator ordinariè non auditur, si se offerat ad probationes dominij sibi competentis, quia spoliatus ante omnem de dominio contentiæ restituendus est. c. In litore b. 1. & docet Conarr. in 4. Decret. p. 2. c. 7. §. 5. n. 12. Ratio est, quod æquum non sit, ut spoliator ex iniuncte sua comodum ferat, id autem fieret, si possessionem quam propriâ auctoritate occupauit, retinere posset, ita ut statim fieret Actor, neque aliud ab eo requiretur, nisi ut dominum probet. Hæc ratio sumitur ex Cap. Eum. 18. De Prabend. in 6. Vbi additur, si quis per violentiam occupet

u 2 bene-

- beneficium, quod ipso facto eo priuatus existat, si jus in illo, vel ad illud non habeat. **1** Di-xi autem ordinariè, nam Excipiendum est 1. Si spoliatus consentiat, ut Spoliator ad jus proprietatis probandum admittatur, ut habetur in hoc cap. Sufficit autem consensus tacitus, si videlicet Reum seu Spoliatorem volentem jus proprietatis ostendere, non repellat, aut adversus judicem volentem super proprietate cognoscere, non appellat aut reclamet, ita ex Communi *Gabrielius l. 5. Conclus. de Restitut. spoliati. concl. 1. num. 61.*
- 2** *Mascard. volum. 3. Conclus. 1325.* Excipiendum 2. Si vel ex confessione spoliati, vel ex Actis, instrumentis, vel aliunde notorium sit, spoliato jus nullum competere, sed spoliatori. Ita ex communi *Menochius remed. 1. recuperanda possessionis. Mascard. conclus. 1326.*
- 3** *Gabrielius eit. conclus. 1.* Adde in causis beneficialibus sufficere si notorium sit, spoliato nullum jus competere, cum non concedatur vitiosus seu non canonicus ingressus in beneficium Ecclesiasticum, ut singulariter notauit *Innoe. in cap. Constitutus. de filiis Presbyterorum. Panorm. in c. seq. n. 10. Gabr. n. 11. s.* & constat ex *Reg. 1. in b.* Beneficium non potest obtineri sine institutione canonica; sed in profanis inquit Gabr. secundum communiorum sententiam, ut restitutio denegetur, satis non est, quod notoriè constet de nullo jure spoliati, cum etiam prædicti spoliatur, restituendus sit. *e. in lit. b. t. nisi etiam notoriè constet de jure spoliantis, vt 4 docet etiam Panorm. in c. 11. n. 10.* Excipiendum 3. Nisi vertatur periculum animæ, si restitutio fiat iuxta casum. *c. Literas 11. h. t.* Vbi Maritouxor, quæ propriâ auctoritate se separavit, restituitur quoad omnia, excepto thoro, si ea opponat impedimentum matrimonij dirimens.
- 5** Occasione textus nostri querunt hinc, an Dominus teneatur ex delicto famuli seu officialis. *Resp. cum Bart. in l. Ne quid. c. 2. ff. De incendio, ruina &c. Panorm. hic n. 7. Silne. verb. Nauta. q. 5.* Dominum non obligari ex delicto famuli seu officialis, nisi delinquit in eo officio, cui præpositus est, ut colligitur ex *l. 1. §. familie. ff. De publicanis. §. penit. 5.*

*Instit. de oblig. ex quasi maleficio. Vbi ratio adiungitur, quia aliquatenus culpæ reus est, quod operâ malorum hominum uteretur; idè quasi ex maleficio tenetur. Cæterum si Dominus extra culpam sit, vt quia à calido famulo, quem bonum ac diligentem esse credebat, & ipse deceptus fuit; tali casu non solum in conscientiæ foro à restitutione damni immunis erit, sed etiam in foro externo, si dominus innocentiam suam probauerit, licet etiam præsumptio juris contra ipsum sit, non tamen est de jure, id est, non tanta, quo minus admittatur probatio in contrarium.*

## CAPITVLVM II.

## Sollicitè.

## PARAPHRASIS.

Scribit Alexander III. ad Vigorensem Episcopum, ut inquirat, quo tempore Henricus renuntiari suo beneficio curato, & si repererit ante factam renuntiationem spoliatum fuisse, testes ab adversaria parte non recipiat super renuntiatione, priusquam restitutus sit, cum non sit verissime, Henricum sponte renuntiassè beneficio, quo erat spoliatus; at verò testes ab ipso Henrico, quibus probare spoliacionem velit, si idonei sint, recipere non intermittar.

## SUMMARIUM.

1. Clericus qui renuntiavit suo beneficio, illius etiam possessionem abdicando, non potest postmodum judicio possessorio ad recuperandam possessionem contra Clericum spoliantem agere, si post factam taliter renuntiationem spoliatus fuit.
2. Nec admittitur etiam si post spoliacionem quidem, in manibus tamen superioris facta fuit renuntiatio.
3. Secus si post spoliacionem facta fuit renuntiatio sine auctoritate superioris.
4. Nisi forte in talibus circumstantiis, que metus præsumptionem excludant, vel cum iuramento possessorio etiam edicto renuntiasset.

Intel-